

Problema cu ta soluciona despues cu baca hoga

Awe ta cuminsa cu un problema cu ta di tanto nan cu no por soluciona, pasobra **NINGUN** instancia no por haci nada, y ta sconde tras di no tin ley, bay reclasering, bay recherche, bay fiscal, bay abogado, bay huez, y nada no por trece solucion.

Den Playa Pabao tin un di e problemanan aki.

Joncuman a namora, bay biba cu mosa, haya yiu cu mosa, duna mosa bida dificil, te cu mosa a sake di cas. Mosa a bolbe bay biba cerca su mayornan.

Joncuman cu no ta traha, a coi caya y ni su rumannan na Aruba no kier mire. E ta di Corsow.

Joncuman a bay Corsow, aya tampoco no kier mire, y el a bolbe Aruba y tuma caya. Pero tur dia di Dios ta na cas di mayornan di mosa, menaza mosa, menaza mayornan (di edad hopi halto).

Ta bay recherche y ta tende cu no por haci nada mientras cu e no a haci nada malo na e cas. Reclasering cu a atende asunto di e mosa, tampoco no por haci nada, ni cu yudanza di polis, y nan man tambe ta mara.

E "**grandinan**" den cas no tin bida. Nan ta biba cera den cas, cu miedo di joncuman.

Pa bon di su mayornan, mosa a bay di e cas y den scondemento. Pa hopi tempo e no ta na e cas ni ta bin cas, pero joncuman ta sigui presiona, bati porta, bati bentana mainta, merdia, atardi, anochi, den madrugada y grita y zundra y menaza.

E "**grandinan**" no ta tranquil den nan cas mas no por sinta den veranda manera pa añanan largo nan tabata haci tur dia y anochi, y no por sali di cas, y di paden tin cu hala cortina pa wak pafo.

Hendenan tin derecho di tranquilidad, tin derecho di libertad di movicion y principalmente riba nan propiedad. Aki ta parce cu e "**grandinan**" a perde tur cos y no tin **NI UN** instancia cu por yuda den e situacion aki.

Awor, si mañan un hende perde cabez, pone un fin na e situacion aki (cu actuacion serio), kende lo bay culpa? Esun cu a tuma ley den man pasobra no tin ley pa tuma den man, y no tin ley pa actua contra joncuman? Polis, recherche, ministerio publico sa di e caso aki masha bon mes, pero ta kico ta warda pa "**duna joncuman su les?**" **Mustre riba e peliger cu e ta forma pa su mes**

y cu Rap, Hip Hop, rub a dub, ta forma parti tambe den e cultura artitico actual di nos isla. Mescos ta e mariachi y carnaval por ehemplo. E anochi tabata pa mustra e cultura artistico cu ta existi riba nos isla riba e diferente aspectonan.

ANOCHE NO TABATA ANOCHE FOLKLORICO

Awor mi ta bin back riba e anochi. E anochi aki no tabata un anochi cultural tipico of folklórico.

E prins y e prinses tabata na altura di esaki di antemano.

Cada presentacion riba escenario, nan tabata na altura di dje, y ademas den e buki di programa, cada aspecto di e anochi tabata ser splica.

E pareha a haya e aspectonan di arte riba nos isla, cual ta encera teatro, canto, literatura, musica, baile y show di carnaval. Den Cas di Cultura e pareha a cera conoci cu e otro aspectonan di arte.

E programa ta menciona tambe cu e manifestacion cultural kier duna un imagen di e convivencia multicultural riba e Aruba di awe.

Pa bolbe riba Philomena Wong y e criticanan.

Si e publico tabata tin e programa cu e invitadonan y e pareha real tabata tin, si e oyentenan radial tabata tin splicacion di esaki debidamente, mescos cu e televidentenan, lo no tabata tin motibo di critica manera a ser haci.

Titulo di su obra tabata "**Placa Mancha**".

E obra aki a wordo inspira riba e problematica nacional y internacional di logra placa na un manera ilegal (easy Money). Cu personificacion di placa (Philomena tabata Placa) el a describi e hamber pa placa y uso di placa pa logra poder y eherce poder. Esaki el a trece dilanti den e forma di arte cu el a presenta y e pareha real tabata sa kico nan por a spera.

NOS "GRANDINAN" TA SUFRI DI "LEPRA" ?

Nos grandinan ta wordo trata na Aruba manera hendenan cu ta cana rond cu malesa "**lepra**" of cu un of otro malesa contagioso. Nos ta yen di nos grandinan cu tin gana di traha. Hendenan di 50 aña bay ariba te 75 aña.

Hendenan cu ta cobra pensioen cu no ta cubri ni un siman di cuminda, corda pa utilidadnan. Hendenan cu tin gana di traha y haya un poco placa mas den man pa compensa e pensioen y yuda nan familia.

Di con no por emplea e hendenan aki? Aunke pagando nan menos di locua nan tabata cobra como "**profesional**" tempo cu nan a traha prome cu nan pensioen. Ta hopi experiencia tin aki, y e hobennan cu ta ser busca di 20 pa 30 aña sin experiencia por siña hopi di e veteranonan, riba tur tereno.

Tin di e grandinan aki fuerte ainda y cu kier traha, tanto homber como muher. Nan kier trabao, pero **NINGUN** caminda kier nan. Ta cual empresa o establecimiento lo habri y yena e cuponan di trabao cu veterano y demostra asina cu bo no mester ta 20 pa 30 aña so pa traha y cumpli. Cumpli e veteranonan ta cumpli sigur. Si nan haya trabao mes, laga nan paga belasting di e sueldo aki. No mishi cu nan pensioen, ta esey nos politiconan mester bini cune pa demostra cu e voto cu nan a haya ta merece pa nan corda riba "**nan grandinan**". Mescos ta pa esnan cu handicap. Kico a pasa e hendenan aki cu no por emplea nan? Tin hendenan cu un of otro handicap cu por traha den administracion, cu por wordo usa como telefonista, cu por haci hopi tipo di trabao, mester por duna e hendenan aki trabao. Bay na lugarnan di handicap di nos isla y mira kende por haya pa duna un trabao, y trece den comunidad pa e sinti cu e ta parti di comunidad y ta haci un trabao digno na servicio di nan isla.

CASAMENTO A BIRA "PICNIC SHOW"

Tur siman cu mi mira e casamentonan cu ta tumando lugar, mi ta haya ulcera na mi stoma di cunsumi. Casamentonan na Stadhuis a bira manera show di picnic.

Ata funcionario cu ta casa e parehanan ta bisti netchi cu su batchi y dashi, y kende ta blo su dilanti?

Joncuman bisti cu camisa manga cortico, caminsa sin dashi, falta di batchi, camisa for di carson y ta falta so pa e pareha bin den zwembroek y bikini.

Si ta na lama nan ta casa, laga nan bisti con cu ta numa, pero den Stadhuis ???

Mester tin mas respet pa ceremonia di casamento y e pacto cu e pareha ta cera cu otro. Mester existi for di momento di registra pa casa, pa e pareha ta bisti netchi y no slons.

Juby

PLACA, PLACA, SATANAS, CORUPCION

Esaki tabata palabranan cu por a tende tur caminda ayera, relaciona cu e obra presenta pa Philomena Wong durante e manifestacion cultural. Masha reclamo tabata tin, y Philomena a haya su critica tanto na radio como den corant.

Mi no a mira e manifestacion cultural como cu mi tabata cu Bon Bini Festival y despues mester a traha.

Pero scuchando e reclamonan ayera mainta, y for di locual mi a saca afo, mi por bisa cu e obra di Philomena kizas pa e ocasion no tabata adecuado, pero mester sa kico e tabata encera prome cu critica.

Philomena ta un escritora y poeta respeta riba nos isla. Mi ta kere cu e obra cu e tabata tin tabata mas bien pa muestra con "**placa ta domina mundo**", con "**corupcion ta domina mundo**", y con "**satanas ta probechando di debilidat di hende**".

Mi no sa, kizas mi ta equivoca. E no a comete ningun crimen, cu mester a caba cune manera mi a tende comentarionan ayera.

Mi ta kere cu Philomena por a equivoca den escohe e obra aki pa e ocasion aki y di otro banda splicacion tabata tin bon cla di kico e ta trata.

Mi ta sigur cu e lo ta sinti su mes masha "**down**" cu e critica, conociendo Philomena, pero esaki no mester kita nada afo di e gran escritora y poeta cu e ta y noa merece e critica manera tabata tin.

Philomena ta un artista, cu a presenta su arte, e ta un **ARUBANO** di kende nos mester ta orguyoso.

Philomena a logra si cu un joke a wordo forma mes ora ayera.

Esaki ta cu "**na momento cu Philomena tabata actuando, tur politico y mandatario y comerciante presente, a core tene nan sacco di carson y batchi bon duro, ora nan a tende e palabranan cu a cay.**"

Tabata tin tambe critica riba bistimento di "**Basic One**". Esaki si pa mi no tabata na su lugar, pasobra Basic One a presenta segun "**nan estilo, estilo di bisti di hubentud**" y di artistanan hubenil rond mundo. Mi ta sigur cu e prins y prinses a mira bistimento hopi mas malo, cu ta haci loke Basic One a bisti ta "**batchi cu dashi**".

Basic One ta nos hobennan Arubano, e artistanan cu a presenta ta artistanan **ARUBANO**, esey ta importante y ta nan nos mester carga. Di e parti multicultural di e anochi, e programa a menciona tambe cu Rap a desaroya su mes den añanan 70 den ghettonan americano,